

INUIT ATAQATIGIIT

Inatsisartuni



16. okt. 2017

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

- 1. Kuannersuarni aatsitassarsiornissamut pilersaarut Naalakkersuisunit akuerineqareerpa?**
- 2. Ataani nassuaammi nassuiarneqartut suli atuuppat?**

"Naalakkersuisut 23. Oktober 2013 "Immikkoortoq 709-711-mut tunngatillugu atugassarititaasunut nalinginnaasunut september 2010-imeersunut tapiliussaq aamma sumiiffimmut Kalaallit Nunaata kujataani Kuannersuarni akuersisummut 2010/02-mut tapiliussaq nr. 1 pillugit nassuaat"-mi taamanit Aatsitassanut Naalakkersuisuusumit atsiorneqarsimasumi ima allapput:

"302. Pisinnatitsisummit pigisaqartoq pinngorqaatinik qinngornermik ulorianartunik akulinnik piaanissamut akuersisummit tunineqarnissamik qinnuteqarpat, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikkikut imaluunniit ingerlatsivimmi pinngorqaatinik qinngornermik ulorianartunik akulinnik piaanissamut akuersisummit tunniussisannginnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassangilaq, ilanggullugit Namminersorlutik Oqartussanut, Naalakkersuisunut imaluunniit Aatsitassanut Ikummatisanullu Pisortaqaarfimmut taarsiinissamik akisussaaffiliissanani".

Aamma:

"303. Pisinnatitsisummit pigisaqartoq pinngorqaatinik qinngornermik ulorianartunik akulinnik piaanissamut akuerisummit tunineqarnissamik qinnuteqarpat, tak. Immikkoortoq 301, Naalakkersuisut pinngorqaatinik qinngornermik ulorianartunik akulinnik piaanissamut atugassarititaasut suulluunniit nammineerlutik aammalu killilersuutaqanngitsumik aalajangersarsinnaavaat. Naalakkersuisut ilaatigut piaanermi ingerlatanut, isumannaallisaanermut peqqinnissamut, avatangiisinut, pisuussutinik atorluaanermut aamma inuiaqatigiinni piujuartussamik iluaqutaasumik sunniutaasusanut atugassarititaasussanik kiisalu pisinnatitsisummit pigisaqartoq Kalaallit Nunaanni Namminersorlutik Oqartussanut akuliuteqassanersoq aalajangersasinhaapput. Naalakkersuisut tassunga ilanggullugu nammineerlutik aamma arlaatigulluunniit killilersuutaqanngitsumik ukiumoortumik akitsuummik sumiiffiup akuersisummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piiarneqartut ilaalu ilanggullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersisummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersasinhaapput".

(Inatsisartuni ilaasortaq Kelly Berthelsen, Inuit Ataqatigiit)

INUIT ATAQATIGIIT

Inatsisartuni



Tunngavilersuut:

Tusagassiorfitsigut takuarput GME-p Kuannersuarni pilersaarutaanut imaatigut assartuinissamut pilersaarutit Søfartsstyrelsep akuerisimagai. Oqallinnerit ilaanni aamma oqaatiginiarneqartarpoq GME-p qinnuteqaateqateqarpat Naalakkersuisunit itigartinneqarsinnaasoq.

Kissaatigaara ullaat suliffiusut qulit qaangiutsinnagit akineqarnissara.